

ÁKVÖRÐUN RÁÐSINS

frá 5. október 1987

varðandi áætlun bandalagsins um samskiptanet fyrir tölvuvædd gagnaskiptakerfi í viðskiptum (TEDIS)

(87/499/EBE)

RÁÐ EVRÓPUBANDALAGANNA HEFUR,

með hliðsjón af stofnsáttmála Efnahagsbandalags Evrópu, einkum 235. gr.,

með hliðsjón af tillögu framkvæmdastjórnarinnar,

með hliðsjón af álitum Evrópuþingsins ⁽¹⁾,

með hliðsjón af álitum efnahags- og félagsmálanefndarinnar ⁽²⁾,

og að teknu tilliti til eftirfarandi:

Hlutverk bandalagsins er einkum að stuðla að samræmdri þróun efnahagsmála innan þess og nánari tengslum milli aðildarríkjanna með því að koma á sameiginlegum markaði og samræma stig af stigi stefnu þeirra í efnahagsmálum.

Ríkis- og ríkisstjórnaleiðtogar lögðu áherslu á þýðingu fjarskipta sem mikilvægs drifkrafts fyrir hagvöxt og samfélagsþróun á fundum sínum í Stuttgart, Aþenu og Fontainebleau.

Evrópuþingið hefur metið stöðu og þróun fjarskipta og lagt áherslu á lykilhlutverk þeirra fyrir stjórnmalalega, þjóðfélagslega og efnahagslega þróun innan bandalagsins í framtíðinni (umræður á Evrópuþinginu 1983 um fjarskipti, Leonardi-skýrslan, skýrsla Alberts og Ball frá 1982).

Þann 17. desember 1984 samþykkti ráðið helstu þætti í stefnu bandalagsins um fjarskipti, meðal annars það

markmið að efla háþróaða fjarskiptaþjónustu og -net með aðgerðum á vettvangi bandalagsins.

Fjarskiptaiðnaðurinn hefur mjög mikla efnahagslega þýðingu, bæði hvað varðar þá starfsemi sem á sér stað innan þeirrar atvinnugreinar og einnig framlag hans til upplýsingamiðlunar í bandalaginu.

Staðlar á sviði upplýsingatækni og vinnan við að setja þá er sérstaks eðlis, einkum að því er varðar eftirfarandi:

- tækniforskriftir eru flóknar og mikillar nákvæmni er þörf til að tryggja gagnaskipti og rekstrarsamhæfni kerfanna,
- brýn þörf er á stöðlum til að koma í veg fyrir að tölvuvædd (viðskipta)gagnaskiptakerfi þróist í ólíkar áttir,
- nauðsynlegt er að tryggja að alþjóðlegir staðlar séu innleiddir, á þann hátt að þeir séu trúverðugir með tilliti til hagkvæmra nota.

Almenn áætlun um stöðlun í upplýsingatækni og fjarskiptum er í framkvæmd.

Tilgangurinn með ákvörðun ráðsins 87/95/EBE frá 22. desember 1986, um stöðlun á sviði upplýsingatækni og fjarskipta ⁽³⁾, er að setja almennan ramma í þessum greinum um setningu staðla eða sameiginlegra tækniforskrifta, einkum með það fyrir augum að auðvelda upplýsingaskipti í öllu bandalaginu með því að ryðja úr vegi hindrunum af völdum ósamhæfni sem orsakast af því að staðla vantar eða þeir eru ónákvæmir.

⁽¹⁾ Stjtið. EB nr. C 246, 14. 9. 1987, bls. 92.

⁽²⁾ Stjtið. EB nr. C 105, 21. 4. 1987, bls. 1.

⁽³⁾ Stjtið. EB nr. L 36, 7. 2. 1987, bls. 31.

Sem liður í CD-verkefninu og CADDIA-áætluninni ⁽¹⁾ er fyrirhugað að gera ráðstafanir til að tryggja náð samstarf við hagsmunaaðila í viðskiptum og atvinnulífínu til að tryggja viðunandi skilfleti fyrir fjarskipti og upplýsingaskipti milli kerfa í viðskiptum og atvinnulífi og kerfa tollfyrivalda.

Áður nefndum markmiðum er aðeins hægt að ná með því að koma á nánú samstarfi milli hagsmunaaðila í viðskiptum og atvinnulífi í mismunandi atvinnugreinum til að tryggja nauðsynlega samhæfingu tölvuvæðdra gagnaskiptakerfa í viðskiptum.

Við framkvæmd CD-verkefnisins er nauðsynlegt að tillit sé tekið til öryggis-, verndar- og gagnaleyndarsjónarmiða í sambandi við upplýsingar um innflutning, útflutning og viðskipti innan bandalagsins, sem er miðlað til framkvæmdastjórnarinnar, tollfyrivalda og viðskiptaaðila eða sem þessir aðilar hafa umráð yfir eða flytja sín á milli.

Þessi atriði eru hluti af mun stærra vandamáli sem er vernd upplýsinga í tengslum við tölvuvædd gagnaskipti í viðskiptum, milli upplýsingakerfa, og nauðsyn þess að tryggja samhæfingu milli ráðstafana sem gerðar eru sem liður í CD-verkefninu og þeirra sem eru gerðar á sviði atvinnugreina.

Í hvítbók framkvæmdastjórnarinnar um stofnun innri markaðarins er lögð áhersla á mikilvægi þess að koma á fót nýrri þjónustu yfir landamæri og þess að fjarskiptanet, byggð á sameiginlegum stöðlum, geti stuðlað að því að koma á bandalagsmarkaði án viðskiptahindrana.

Í grænbókinni frá 30. júní 1987 eru viðmiðunarreglur um þróun sameiginlega markaðarins að því er varðar fjarskiptaþjónustu og -búnað.

Tölvuvædd gagnaskipti í viðskiptum munu í síauknum mæli geta stuðlað að því að styrkja samkeppnishæfni evrópskra framleiðslu- og þjónustufyrirtækja.

Sem stendur er ör þróun í gangi þar sem bæði opinberir aðilar og einkaaðilar eru að gera ráðstafanir, vegna fyrirtækja, hópa fyrirtækja og atvinnugreina, á innlendum og alþjóðlegum vettvangi, til að taka í notkun tölvuvædd gagnaskiptakerfi í viðskiptum sem eru ekki samhæfð innbyrðis.

Hætta er á að sundurleit og slitrótt framkvæmd við að taka upp tölvuvædd gagnaskipti í viðskiptum innan sama lands eða, sem oftast gerist, innan fyrirtækis, fyrirtækjahóps eða atvinnugreinar leiði til þess að tekin verði upp ósamhæfð

kerfi sem geta ekki haft samskipti hvert við annað og að það hindri bæði notendur og seljendur búnaðar og þjónustu í að nýta sér til fulls þá kosti sem þróun tölvuvæðdra gagnaskipta í viðskiptum býður upp á.

Ef tryggja á að þessi kerfi fyrir tölvuvædd gagnaskipti í viðskiptum geti haft samskipti er nauðsynlegt að samþykkja áætlun um röð fyrstu aðgerða, sem taka tillit til sameiginlegra hagsmuna og eru nauðsynlegar fyrir samræmda þróun tölvuvæðdra gagnaskipta í viðskiptum, og aðra röð aðgerða, sem eru í nánari tengslum við sviðsbundin verkefni, með það fyrir augum að leysa á samræmdan hátt sameiginleg vandamál sem koma upp meðan á þessari þróun stendur.

Í upphafi er nauðsynlegt að framkvæma aðgerðir og rannsóknir með það fyrir augum að skapa og þróa þau hagstæðu skilyrði sem eru nauðsynleg fyrir samræmda þróun tölvuvæðdra gagnaskipta í viðskiptum.

Nauðsynlegt er, í ljósi niðurstaðna og fenginnar reynslu, að skilgreina markmið og einstök atriði fyrir hugsanlegt næsta aðgerðastig þar sem yrði stuðningur við tilraunaverkefni og áframhald á einhverjum þeirra aðgerða sem hafa verið hafnar.

Í sáttmálanum er ekki kveðið á um aðrar heimildir í þessu skyni en þær sem um getur í 235. gr.

ÁKVEDIÐ EFTIRFARANDI:

1. gr.

Hér með er hrundið í framkvæmd áætlun bandalagsins um samskiptanet fyrir tölvuvædd gagnaskiptakerfi í viðskiptum (TEDIS) fyrir viðskipti, iðnað og stjórnun, hér eftir nefnd „áætlunin“.

2. gr.

Áætlunin skal framkvæmd í samræmi við þessa ákvörðun. Hún stendur yfir í tvö ár.

3. gr.

Markmið áætlunarinnar eru:

1. að samræma á vettvangi bandalagsins þá vinnu sem unnin er í aðildarríkjunum varðandi þróun tölvuvæðdra gagnaskiptakerfa í viðskiptum;
2. að vekja athygli væntanlegra notenda á tölvuvæddum gagnaskiptum í viðskiptum;
3. að vekja athygli evrópskra framleiðenda vélbúnaðar og hugbúnaðar á möguleikunum sem tölvuvædd gagnaskipti í viðskiptum veita;
4. að veita evrópskum hópum á einstökum sviðum birgða- aðstoð;

⁽¹⁾ Stjtið. EB nr. L 33, 8. 2. 1986, bls. 28.

5. að taka tillit til sérstakra þarfa í sambandi við tölvuvædd gagnaskipti í viðskiptum innan aðildarríkja og milli aðildarríkjanna og bandalagsins í stefnumörkun varðandi fjarskipti og stöðlun; að framkvæma undirbúningsvinnu í þessum tilgangi;
6. að aðstoða við uppsetningu samræmisprófunarstöðva fyrir hugbúnað og vélbúnað sem notaður er í kerfum fyrir tölvuvædd gagnaskipti í viðskiptum;
7. að leita lausna á lagalegum vandamálum sem gætu staðið í vegi fyrir þróun tölvuvæddra gagnaskipta í viðskiptum og sjá til þess að takmarkandi reglur um fjarskipti hamli ekki þróun tölvuvæddra gagnaskipta í viðskiptum;
8. að rannsaka öryggiskröfur fyrir kerfi fyrir tölvuvædd gagnaskipti í viðskiptum með það fyrir augum að tryggja að trúnaðar sé gætt við flutning upplýsinga;
9. að kanna sérstök vandamál sem skapast vegna hinna mörgu tungumála sem eru notuð innan bandalagsins og rannsaka í því skyni möguleikana á að nýta þann árangur sem hefur náðst eða vænta má að náist með vélþýðingaforritunum Systran og Eurotra;
10. að skoða hvort ráðlegt sé að stuðla að þróun sérhæfðs hugbúnaðar fyrir tölvuvædd gagnaskipti í viðskiptum;
11. að gera skrá yfir verkefni sem eru hafin eða verða að öllum líkindum hafin á tilteknum sviðum tölvuvæddra gagnaskipta í viðskiptum og gera samanburð á þeim;
12. að gera yfirlit yfir sérstakar þarfir sem koma fram við notkun tölvuvæddra gagnaskiptakerfa í viðskiptum og auðveldara væri að mæta með aðstoð frá bandalaginu;
13. að gera sérstaka könnun á þeirri aðstoð sem hægt er að veita litlum og meðalstórum fyrirtækjum til að gera þeim kleift að taka virkan þátt í tölvuvæddum gagnaskiptum í viðskiptum;
14. að íhuga stuðning við tilraunaverkefni sem framkvæma mætti smám saman og væru líkleg til að stuðla að lausnum, sem unnt væri að gera algildar, á sameiginlegum vandamálum sem koma fram í flestum kerfum fyrir tölvuvædd gagnaskipti í viðskiptum.

4. gr.

Áætlunin skal framkvæmd í samræmi við núverandi eða fyrirhugaða stefnu og starfsemi í bandalaginu að því er varðar

fjarskipti, upplýsingamarkaðinn, stöðlun og fjöltungustefnu og einkum við CADDIA-áætlunina og CD-verkefnið til að tryggja nauðsynlega samverkun við sérstakar þarfir tölvuvæddra gagnaskiptakerfa í viðskiptum.

5. gr.

Samningar sem snerta áætlunina skulu gerðir við fyrirtæki, þar með talin lítil og meðalstór fyrirtæki, rannsóknarstöðvar og aðrar stofnanir sem hafa staðfestu í bandalaginu.

6. gr.

1. Bandalagið styrkir áætlunina með framlögum sem skulu vera innan marka árlegrar fjárveitingar til hennar á fjárlögum Evrópubandalagsins.

2. Upphæðin sem talið er nauðsynlegt að bandalagið leggi fram til framkvæmdar áætluninni í heild sinni er 5,3 milljónir ECU.

7. gr.

Framkvæmdastjórnin skal sjá til þess að áætlunin sé framkvæmd á viðunandi hátt og skal gera viðeigandi ráðstafanir í því skyni.

8. gr.

Framkvæmdastjórnin skal leggja skýrslu fyrir ráðið, eigi síðar en 1. janúar 1990, um framkvæmd þeirrar vinnu sem ákveðin er með þessari ákvörðun ásamt tillögu um frekari ráðstafanir ef þörf krefur.

9. gr.

Ákvörðun þessi öðlast gildi 1. janúar 1988.

Gjört í Lúxemborg 5. október 1987.

Fyrir hönd ráðsins,

N. WILHJELM

forseti.